



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Ad Matronam.

**urn:nbn:de:hbz:466:1-13534**

Fragaq; seruantur summo mihi lecta vesuio,  
 Fragil Maroneis mane petita iugis.  
 Sunt etiam geminæ frondosa in uitæ cicadæ,  
 Cesserit his cantu uel Philomela suo.  
 Hæ tibi munus erunt, & erunt tua munera ranæ,  
 Quæ mecum ad salices carmina culta canunt.  
 En audi, ad salices formosa Labulla uenito,  
 Dum canimus, uolucres duc age & ipsa choros.  
 En sternunt siueæ muscosa cubilia nymphæ,  
 O' ros in pratis ipsa futura meis.  
 Talibus ille suis in cassum clamat ab antris,  
 In cassum ad salices murmura uana iacit,  
 Non mihi ad Eridanum, mihi non ad Mincida ripa,  
 Non opus ad salices lucida nympha ueni.  
 Nil opus est cantu, nec picti munere ferti,  
 Nec que de ramis rauicæ cicada canit.  
 Tantum opus obsequijs sponte en mihi candida fulget  
 In thalamis, nostro Stella coruscæ toro,  
 Sponte meo cubat ipsa sinu, mihi plaudat ouanti  
 Ipse amor, è curru plaudat & ipsa venus.

## AD MATRONAM.

q Vid rides matrona? sene quid temnis amante?  
 Quisquis amat, nulla est conditione senex.  
 Quisquis amat, iuuenem par est matrona uocare.  
 At qui nullus amat, iure sit ille senex.  
 Tempus habet metas, & constat tempus ab annis,  
 Et peragunt annos sydera cuncta suos.  
 Solus amor nescit tempus, nec subiacet annis,  
 Aeno sed fruitur, perpetuusq; manet.

III ERIDANORVM

Quid mihi nunc annos obiectas, quid ne senectam?  
Nullus amor fines terminat ipse suos.

Te matrona decet metiri tempora, quam nec  
nullus amat, nec scis praeter amare merum,

f Errū Hebrus, ferrū Tibris colit acer, & ingens  
Euphrates, ferrum Rhenus & Ister amant.

At pace Eridanus gaudet studiosus amantum,  
Et thalami, & pacis munia lenis obit.

Eridano pia uota pī reddamus amantes.  
Fumet odoratis ara uerenda focus.

Tu uero mea lux (etenim tibi cultus amoris  
Tantus inest) aris debita solue sacris.

Eridano benedic detectis compta papillis,  
Compta sinu, pexis non sine lege comis.

Mox Genio datura, facesq; incende Sabæas,  
Et mihi delicias nocte ineunte para.

AVRAS ALLOQVITVR.

d Icite felices auræ, Bundenidis undæ

Quæ colitis ripas, quæq; & amoena Padi.

Dicite, frondentes quid agat meus ignis ad alnos?

Aut quid ad Argentæ mœnia littoreæ?

An memor absenteis, tacitos suspirat amores?

Et uetus est illi uulnus, ut ante nouum?

Rara quidem uirtus, constans amor. hoc tibi nomen

Stella dedit, stabilis q; tua cura manet.

Scilicet & memor es tantorum grata bonorum,

Quæ tibi noster amor munera multa dedit.

Præsentemq; senem faciunt tibi munera nostra,

Quodq; & amor iubeat, gratia & ipsa simul.